



РЕПУБЛИКА СЕВЕРНА МАКЕДОНИЈА
МИНИСТЕРСТВО ЗА СОЦИЈАЛНА ПОЛИТИКА,
ДЕМОГРАФИЈА И МЛАДИ - СКОПЈЕ
MINISTRIA E POLITIKËS SOCIALE E
DEMOGRAFISË DHE E TË RINJVE - SHKUP

Бр. / Nr.

11-08-2025

22-5672

Në bazë të nenit 157 të Ligjit të Mbrojtës Sociale ("Gazeta Zyrtare e Republikës së Maqedonisë së Veriut", nr. 104/2019, 146/19, 275/19, 302/20, 311/20, 163/21, 294/21, 99/22, 236/22, 65/23 dhe 192/25), Komisioni për Sigurimin e Mjeteve të Shërbime Sociale nga Komunitat dhe Ofruesit e Tjerë, i formuar nga Ministri i Politikës Sociale, Demografisë dhe të Rinjve, shpall:

KONKURS PUBLIK

Për ndarjen e mjeteve për shoqatat dhe ofruesit privatë të shërbimeve sociale, për ofrimin e shërbimeve sociale

1. Lloji i shërbimeve:

Me këtë Konkurs Publik sigurohen mjete për shoqatat e qytetarëve dhe ofruesit privatë të shërbimeve sociale, për ofrimin e shërbimeve në vijim:

- a) Shërbimet në komunitet
qëndrimi i përkohshëm
- Qendra për Viktimat e Trafikimit të Qenieve Njerëzore.

2. Shuma e mjeteve që ndahen dhe periudha kohore gjatë së cilës do të ofrohen shërbimet sociale

Ministria e Politikës Sociale, Demografisë dhe të Rinjve, do të sigurojë mbështetje financiare për zbatimin e shërbimeve sociale në përputhje me kapacitetin e përcaktuar të ofruesve të licencuar të shërbimeve në aktvendimin e dhënies së lejes për kryerjen e punës në mbrojtjen sociale dhe në përputhje me çmimin e shërbimeve për përfitues, të përcaktuar me Vendimin e përcaktimit të çmimeve të shërbimeve sociale në shtëpi, për mbrojtje sociale jashtëfamiljare, për mbështetje dhe ndihmë profesionale, për qëndrim ditor, për qëndrim të përkohshëm, për këshillim dhe zëvendësim të kujdesit familjar për vitin 2026, miratuar nga Ministri i Politikës Sociale, Demografisë dhe të Rinjve, nr. 02-8269/1, dt.22.12.2025, i përpiluar në përputhje me Metodologjinë e formimit të çmimeve të shërbimeve varësisht nga normativat dhe standardet për ofrimin e shërbimit social ("Gazeta Zyrtare e Republikës së Maqedonisë së Veriut", nr. 264/19). Mjetet do të sigurohen për përfitues në baza mujore, për të cilët Qendra për Punë Sociale ka miratuar aktvendim, nga dita e nënshkrimit të Kontratës Administrative deri më 31.12.2026.

a) Shërbime në komunitet

Qendra për Qëndrim të Përkohshëm

- 53.207 denarë në muaj për përfitues të shërbimit në Qendrën për Qëndrim të Përkohshëm për Viktimat e Trafikimit me Qenie Njerëzore, përkatësisht 1.744 denarë në ditë për përfitues.



- 45.413 denarë në muaj për përfitues të shërbimit në Qendrën për Përkohshëm për Viktimat e Trafikimit me Qenie Njerëzore, përkatësisht 1.489 denarë në ditë për përfitues, pa shpenzime rrjedhëse.

3. Dokumentet e nevojshme

Parashtruesi i dorëzon dokumentet vijuese:

1. Fletëparaqitjen e aplikimit për sigurimin e mjeteve (format i rekomanduar është publikuar në ueb-faqen zyrtare të Ministrisë www.mtsp.gov.mk)
2. Emrin e plotë dhe adresën e subjekteve me aktivitete të përcaktuara qartë gjatë realizimit të programit për ofrimin e shërbimeve sociale për të cilin kërkon ndarjen e mjeteve,
3. Programin e punës me përshkrim të hollësishëm të aktiviteteve dhe me plan konkret pune për zbatim dhe periudhën e realizimit të programit për ofrimin e shërbimeve sociale për vitin që financohet, me të cilat do të sigurohet realizimi i qëllimeve të parashikuara, aktiviteteve dhe shërbimeve të përcaktuara në Konkursin Publik me mjetet e parashikuara;
4. Listën e të dhënave për kuadrin profesional dhe personave të angazhuar për ofrimin e shërbimit social;
5. Të dhënat e kontaktit të personit përgjegjës/koordinatorit për realizimin e programit për ofrimin e shërbimit social (emri, mbiemri, e-mail adresa dhe numri i telefonit),
6. Të dhënat për përvojën e punës në fushën e mbrojtjes sociale, në përputhje të kërkesave dhe nevojave të Konkursit Publik, partneritetit të arritur, bashkëpunimit ndërsektorial dhe bashkëfinancimit të ofruar (nëse ka),
7. Dëshminë për mekanizmin e vendosur për kontroll të cilësisë së shërbimit dhe sistemin e ankesave të klientëve (formularë)
8. Raportin Vjetor të Punës së Shoqatës, për vitin paraprak, përkatësisht për vitin 2025.
9. Vërtetimin për tatimet e paguara, lëshuar nga organet tatimore të ofruesit të licencuar të shërbimeve sociale jo më të vjetër se gjashtë muaj (original ose kopje të noterizuar),
10. Deklaratën nga ofruesi i licencuar i shërbimeve sociale **të vulosur te noteri** se nuk ka marrë mjete nga ndonjë organ tjetër shtetëror ose njësi të vetëqeverisjes lokale për aktivitetet e njëjta për ofrimin e shërbimit
11. Aktvendimin e dhënies së lejes për kryerjen e punëve në mbrojtjen sociale dhe të gjitha ndryshimet shtesë ndaj të njëjtit (në original ose në kopje të noterizuar).

4. Afatet për zbatimin e procedurës:

Konkursi zgjatë **pesë ditë** nga dita e shpalljes në gazetën ditore.

Shoqatat e interesuara të qytetarëve dhe ofruesit privatë të shërbimeve sociale, fletëparaqitjet mund t'i dorëzojnë më së voni deri në orën 16 në ditën e fundit të konkursit, gjegjësisht deri në orën 9:00 ditën e ardhshme nëse dita e fundit e konkursit bie në ditë jopune, përmes Arkivit të Ministrisë së Politikës Sociale, Demografisë dhe të Rinjve, në adresën rr. "Dame Gruev", nr. 14, Shkup, në zarf të mbyllur, me shënimin: "Për Konkursin Publik për sigurimin e mjeteve të shërbimeve sociale".

Fletëparaqitjet që do të parashtrohen pas këtij afati dhe me dokumentacion jo të plotë nuk do të shqyrtohen.

Komisioni për Sigurimin e Mjeteve në afat prej 30 ditëve pas skadimit të afatit për parashtrimin e fletëparaqitjeve, përpilon mendim drejtuar Ministrit të Politikës Sociale, Demografisë dhe të Rinjve.



Ministri i Politikës Sociale, Demografisë dhe të Rinjve, pas marrjes së mendimit nga Komisioni për Sigurimin e Mjeteve, miraton aktvendim për ndarjen e mjeteve.

Ministri i Politikës Sociale, Demografisë dhe të Rinjve, do të lidhë Kontratë Administrative, me të cilën përcaktohen të drejtat e ndërsjella dhe përgjegjësitë në realizimin e mjeteve të ndara, në afat prej 15 ditëve nga dita e plotfuqishmërisë së aktvendimit për ndarjen e mjeteve.

Shoqatat ose ofruesit privatë të shërbimeve sociale, të cilët do të marrin mjete nga Ministria e Politikës Sociale, Demografisë dhe të Rinjve, kanë për obligim që në të gjitha materialet (të shtypura dhe elektronike), që do të prodhohen në kuadër të këtij shërbimi, në vend të dukshëm të qëndrojnë:

Mbështetur nga:



Republika e Maqedonisë së Veriut
MINISTRIA E POLITIKËS SOCIALE, DEMOGRAFISË DHE TË RINJVE

